

Sarajevo, 20.07.2016.

SREDSTVIMA INFORMISANJA

## SAOPŠTENJE ZA JAVNOST

### Koalicija "Pod lupom" pozvala građane BiH na nestranačko posmatranje Lokalnih izbora

Koalicija za slobodne i poštene izbore "Pod lupom", koju čini šest organizacija civilnog društva iz cijele Bosne i Hercegovine, je na današnjoj konferenciji za medije u Sarajevu pozvala građane da se prijave za posmatranje Lokalnih izbora 2016. koji će se održati 2. oktobra.

**Građani/ke se mogu prijaviti za posmatranje izbora putem besplatnog telefona 080 05 05 05, internet stranice [www.podlupom.org](http://www.podlupom.org) ili direktno na terenu preko posmatrača ili regionalnih ureda Koalicije. Građani/ke mogu na ovaj broj telefona prijaviti sve uočene pred/izborne nepravilnosti koje će biti proslijeđene nadležnim institucijama na dalje razmatranje.**

Cjelokupan izborni period, od raspisivanja izbora do potvrđivanja izbornih rezultata, prate 42 dugoročna posmatrača Koalicije, putem sedam regionalnih ureda koji su aktivni na području cijele zemlje, a na sam izborni dan će 3.000 posmatrača Koalicije pratiti izbore na svakom drugom biračkom mjestu u BiH.

*„U ime Koalicije „Pod lupom“, koja ima za cilj osigurati slobodne i poštene izbore za sve građanke i građane BiH, zaštititi glasove birača i vratiti povjerenje građana u izborni proces, ohrabrujem građane/ke da se prijave za posmatranje ovogodišnjih Lokalnih izbora“,* rekao je direktor Koalicije Dario Jovanović.

Konferencija za medije i aktivnosti Koalicije su dio projekta koji finansira Evropska unija „Izgradnja sistema i odgovornosti u izborima“. Evropska unija je za ovaj trogodišnji projekat izdvojila sredstva u iznosu od 1.5 miliona eura, s ciljem da doprinese kvalitetnijem izbornom procesu u BiH u skladu sa međunarodnim standardima i najboljim praksama, i ohrabri aktivno učešće građana u zagovaranju i praćenju izbora.

Regionalni koordinatori Koalicije su od raspisivanja izbora 4. maja 2016. do danas ostvarili kontakt sa 139 opštinskih i gradskih izbornih komisija, te informisali 102 regionalna ogranka političkih subjekata i 63 policijske uprave o projektu.

Pored posmatranja predizbornog, izbornog i postizbornog perioda, Koalicija će vršiti i monitoring medija i izbornih kampanja političkih subjekata.

*„Želimo skrenuti pažnju nadležnim institucijama da reaguju na pojavu nepravilnosti u izbornom procesu, a na političke subjekte apelovati da se odgovorno i korektno ponašaju u vremenu prije izbora i u toku predstojeće izborne kampanje“,* naglasila je regionalna koordinatorica Koalicije Stjepana Ivanuš.

Koalicija "Pod lupom" je do sada posmatrala Opšte izbore 2014. i prijevremene lokalne izbore u 7 opština.

Almir Bičakčić, koji je bio građanski, nestranački posmatrač Koalicije na Opštim izborima 2014. je rekao da prvenstveno građani mogu doprinijeti slobodnim i poštenim izborima u BiH, te ih pozvao da se pridruže ovoj inicijativi.

Projekat „Izgradnja sistema i odgovornosti u izborima“ koji je započeo u 15.11.2015. i trajeće do 15.11.2018. provode organizacije civilnog društva koje čine Koaliciju „Pod lupom“, Centri civilnih inicijativa (CCI), DON Prijedor, "Perpetuum Mobile" Banja Luka, CGS Livno, "Munja" Sarajevo (Munja Inkubator) i FGT Tuzla.

*Za sve dodatne informacije molimo Vas da se obratite koordinatorici za odnose s javnošću Koalicije "Pod lupom" Jovani Kljajić putem elektronske pošte [pr@podlupom.org](mailto:pr@podlupom.org) ili telefona 033 268 160, 065 252 016.*